

Times Today BD

স্পোর্টস ডেস্ক | খেলা | 20 June, 2025

গলে চলমান প্রথম টেস্টে বাংলাদেশ ও শ্রীলঙ্কার লড়াই জমে উঠেছে। চতুর্থ দিনের টি-ব্রেকে ম্যাচের অবস্থা সমানে সমানই বলা চলে, তবে সামান্য হলেও এগিয়ে আছে বাংলাদেশ। প্রথম ইনিংসে ১০ রানের লিড নেওয়ার পর দ্বিতীয় ইনিংসে বাংলাদেশ পৌঁছে গেছে ৬৫ রানে, যদিও দুইটি উইকেট হারিয়েছে তারা।

দিনের শুরুতে শ্রীলঙ্কা ছিল ৪৭০ রানে ৭ উইকেট হারানো অবস্থায়। সেখান থেকে মাত্র ১৫ রান যোগ করেই গুটিয়ে যায় লঙ্কানদের ইনিংস। বাংলাদেশি স্পিনার নাঈম হাসান ছিলেন দুর্দান্ত। ৫ উইকেট নিয়ে শ্রীলঙ্কার লোয়ার অর্ডার ভেঙে দেন তিনি। প্রথম ইনিংসে ৪৮৫ রানে থামে স্বাগতিকদের ইনিংস।

এর আগে বাংলাদেশের প্রথম ইনিংসে ৪৯৫ রানের বিশাল সংগ্রহে নেতৃত্ব দেন মুশফিকুর রহিম (১৬৩), নাজমুল হোসেন শান্ত (১৪৮) ও লিটন দাস (৯০)। ফলে বাংলাদেশ ১০ রানের লিড নিয়ে দ্বিতীয় ইনিংসে ব্যাট করতে নামে।

দ্বিতীয় ইনিংসে শুরুটা ছিল নড়বড়ে। আবারও ব্যর্থ হন এনামুল হক বিজয়, এবার ফিরেছেন ৪ রানে। মমিনুল হক ভালো সূচনা করেও ফেরেন ১৪ রানে। তবে একপ্রান্ত আগলে ব্যাট করছেন সাদমান ইসলাম (৪৪*) ও অধিনায়ক শান্ত (২৫*)।

২২ ওভার শেষে বাংলাদেশের স্কোর ৬৫/২। যদিও লিড এখন ৭৫ রানে, তবে গলের উইকেটে চতুর্থ দিন থেকেই বল আচরণ করছে খামখেয়ালি, যা পরের সময়গুলোতে ব্যাটসম্যানদের জন্য কঠিন চ্যালেঞ্জ হয়ে দাঁড়াতে পারে।

বাংলাদেশ ক্রিকেট দল শ্রীলঙ্কা-বাংলাদেশ ক্রিকেট সিরিজ

© 2025 TimesToday. All Rights Reserved.

Generated on 19 July, 2025 20:50

URL: <https://timestodaybd.com/public/sports/7758073502>